

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), člana 67. Zakona o budžetima u Federaciji Bosne i Hercegovine („Službene novine Federacije BiH“, broj: 102/13, 9/14-isp., 13/14, 8/15, 91/15, 102/15, 104/16, 5/18, 11/19 i 99/19), člana 19. stav 1. tačka 2), člana 21. stav 4. i 5. i člana 23. Zakona o dugu, zaduživanju i garancijama u Federaciji Bosne i Hercegovine („Službene novine Federacije BiH“, broj: 86/07, 24/09, 44/10 i 30/16), člana 9. Zakona o izvršavanju Budžeta Zeničko-dobojskog kantona za 2021. godinu („Službene novine Zeničko-dobojskog kantona“, broj: 7/21 i 18/21) i člana 4. Odluke o pokretanju procedure dugoročnog kreditnog zaduženja Zeničko-dobojskog kantona u 2021. godini („Službene novine Zeničko-dobojskog kantona“, broj: 11/21), na prijedlog Ministarstva finansija, Vlada Zeničko-dobojskog kantona, na 133. sjednici, održanoj dana 09.12.2021. godine, d o n o s i

ODLUKU

o dugoročnom kreditnom zaduženju Zeničko-dobojskog kantona u 2021. godini za LOT 3

Član 1.

(Odobranje kreditnog zaduženja Zeničko-dobojskog kantona)

Nakon okončanog postupka javne nabavke i izbora najpovoljnijeg ponuđača za dugoročno kreditno zaduženje Zeničko-dobojskog kantona u 2021. godini, za LOT 3 javne nabavke, odobrava se dugoročno kreditno zaduženje Zeničko-dobojskog kantona u 2021. godini u iznosu od 4.500.000,00 KM (slovima: četirimilionapetstotinhiljada konvertibilnih maraka), plus pripadajuće kamate, a u svrhu finansiranja budžetskog deficita Kantona.

Član 2.

(Osnovni elementi - uslovi kreditnog zaduženja)

Kreditno zaduženje iz člana 1. ove odluke izvršit će se u skladu sa sljedećim elementima (uslovima):

- a) iznos kredita od 4.500.000,00 KM (slovima: četirimilionapetstotinhiljada konvertibilnih maraka), sa rokom otplate od 48 mjeseci (u koji nije uključen grace period),
- b) okvirna vrijednost ugovora (ukupni iznos kamata sa svim drugim troškovima kredita izraženim u KM za cijeli period otplate kredita) u iznosu do 277.487,42 KM.
- c) grace period: do 01.09.2022. godine (ne uračunat u rok otplate),
- d) forma duga: dugoročni unutrašnji dug u formi zajma, zaključivanjem kreditnog sporazuma - ugovora sa napovoljnijim ponuđačem nakon okončane procedure javne nabavke,
- e) sredstvo obezbjeđenja: mjenice (bez hipotekarnog obezbjeđenja),
- f) svrha zaduženja: finansiranje budžetskog deficita Zeničko-dobojskog kantona,
- g) zaduženje se vrši uz poštivanje odredbi člana 7. Zakona o dugu, zaduživanju i garancijama u FBiH i u okviru ograničenja duga koji je uspostavila Skupština Zeničko-dobojskog kantona Budžetom Zeničko-dobojskog kantona za 2021. godinu i Zakonom o izvršavanju Budžeta Zeničko-dobojskog kantona za 2021. godinu,
- h) uvjeti otplate: kvartalna otplata.

Član 3.

(Ovlašćenje ministru Ministarstvu finansija za potpis ugovora)

Ovlašćuje se ministar Ministarstva finansija, da u ime Vlade Zeničko-dobojskog kantona kao ugovornog organa, sa izabranim ponuđačem Intesa Sanpaolo Banka d.d. BiH, potpiše Ugovor o dugoročnom kreditu u iznosu od 4.500.000,00 KM (slovima: četirimilionapetstotinhiljada konvertibilnih maraka), za LOT 3 javne nabavke, pod uslovima iz člana 2. ove odluke, na koje je Vlada dala saglasnost, da potpiše mjenice kao sredstvo obezbjeđenja navedenog kredita, kao i sve naloge i druge akte potrebne za prenos sredstava na račun Kantona i za realizaciju kredita.

Član 4.

(Stupanje na snagu i objava Odluke)

Ova odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-11-16418/21

Datum, 09.12.2021. godine

Zenica

PREMIJER

Mirnes Bašić

DOSTAVLJENO:

1x Ministarstvo finansija,

1x na uvid - Skupština Zeničko-dobojskog kantona,

1x Stručna služba Vlade,

1x „Službene novine Zeničko-dobojskog kantona“

1x a/a.